

欽定平定教匪紀略

欽定平定教匪紀畧卷二十七

十二月十七日

庚戌

托津那彥成奏言竊

臣

托津

於十三日行抵滑縣面晤

臣

那彥成將應議事

宜會同籌酌除豫省之滑縣濬縣及被竄擾之

各縣村莊如何撫卹難民之處應由撫

臣

方受

疇督屬辦理其直隸山東被賊州縣亦由該督

撫一體查辦外惟地方營伍有須斟酌損益者

謹擬數條恭請

訓示一正定鎮總兵應改爲提督另將大名協副將
改爲大名鎮總兵以資彈壓臣那彥成謹將現
在軍營出力人員開列數人以備

簡用一河南山東二省設兵無多或遇地方有事不
敷調派請

勅下兩省撫臣查明增添以實營伍一開州應移駐

遊擊一員東明應移駐都司一員長垣應移駐
守備一員滑縣應移駐叅將一員濬縣應移駐
守備一員各添兵額一吉林黑龍江官兵馬隊
距京較遠徵調不易請調撥一千名駐京操防
以便徵調一請於被賊近賊之處編查戶口卽
一面稽察匪徒並請

勅下直隸河南山東三省地方官將民間教習拳棒

者一概嚴禁一請將鄉勇自製器械給價收繳
一察看直隸省帶兵將備未甚得力請將現在
軍營之陝甘將備酌挑十數員與直省將備分
別對調以資整頓臣托津於會議拜摺後卽遵
旨起程回京奏入得

旨大學士軍機大臣會同該部議奏

那彥成又奏言查陝省饑民搶奪一案臣連日

飛差密探聞得該匪等約有一千餘人分路搶奪滋擾現在長齡朱勲已先後馳往督辦惟南山路徑崎嶇該匪若遁入老林則官兵追捕費力臣前奏本擬將蘭州固原官兵隨後凱撤今滑城賊衆盡殲無須多兵留駐已先將陝西帶兵得力之西寧鎮特依順保涼州鎮馬元令其管帶固原河州各營兵先行撤回密囑該鎮等

沿途揚言大兵凱撤一面知會長齡酌量調遣
如特依順保馬元等到陝之後尙未得手再令
楊芳帶兵前往並酌派吉林黑龍江馬隊數百
名馳赴剿辦臣仍不時差探萬一剿捕需時察
看豫省情形安靜或楊遇春或臣再行統帶官
兵前往臣現於隨營陝甘將弁內挑出四十員
令其兼程

上批示

硃諭曰汝二人暫住滑縣查辦一切不可草率陝西
一事有長齡朱勲二人足敷辦理汝二人或往幫
辦或同來京復命總候旨而行不必張皇

那彥成楊遇春又奏言查唐鬍子一犯已經捕
獲其朱鹽霜卽朱大桃查訊並無其人現已遵
旨知會衡齡停緝並札致高杞無庸前往又馮克善

供出賊中大頭目八人均已先後殲斃至小頭
目六人除徐安輻現在解京崔士俊早已殲斃
外所有王士香一犯現拏獲伊子王進忠究出
王士香已在滑城燒斃又王聚霍雲璧二犯俱
被官兵殲斃惟胡成德一犯不知生死現仍趕
緊查拏又奉

旨飭拏之磁州趙得一一犯已在滑城殲斃朱成貴

一犯亦經生擒訊係在定陶戕官刦獄在逃要
犯已凌遲梟示其餘殲斃各小頭目不可勝數
屍骸枕藉亦無從辨認其生擒者均已遵

旨就地正法奏入報

聞

是日刑部奏定議嗣後白陽白蓮八卦邪教爲
首者問擬絞候爲從發新疆給額魯特爲奴其

紅陽及各項教會名目並分別發往烏魯木齊
及邊遠充軍等因得

旨嗣後審辦白陽白蓮八卦等邪教凡傳徒爲首者
著定擬絞決其紅陽等教及各項教會名目卽照
刑部所議辦理至此等愚民平日惑於邪說罔識
禁令現在大加懲創許以自新惟在地方各官詳
爲化導使小民共知學習不經符咒斷難獲福而

國憲森嚴禍將不測雖至愚之人亦當惕於利害
勉爲善良著步軍統領五城及直省各督撫將軍
都統府尹等各出簡明告示將新定罪名及自首
限期剴切曉諭庶家喻戶曉自首者多不至有名
無實

十二月十八日

辛亥

上命軍機大臣傳諭那彥成曰本年直隸順德廣平

大名三府地方年歲歉收節經加恩撫卹現在軍
務已竣安撫災民最爲緊要此等乏食窮黎係朕
善良赤子如不妥爲綏輯小民凍餒所迫或再聚
衆掠食擾害村莊其意祇圖一飽苟延旦夕初無
謀逆之心與賊匪之蓄謀勾煽者迥不相同但一
經滋事或聞拏抗拒勢不得不用兵剿捕民爲邦
本朕體天地好生之心實有所不忍藩司素納現

在大名府城該督務就近督飭該藩司認真經理
或設厰煮賑以資餉口其轉徙道路者或揀派誠
實之員酌帶銀米俾資接濟良民苟不至救死不
遑必不肯冒法作亂能使民情大定則兵燹之餘
更可保無他患該督盡心督率妥辦勿忽

上又命軍機大臣傳諭方受疇曰現在豫省軍務已
竣正在辦理善後事宜方受疇係該省巡撫一切

皆須經理其當務之急尤在撫卹難民勿使失所
澹滑封考一帶係被賊較甚之區西路輝縣等處
亦經竄匪滋擾其各村鎮難民焚掠之餘自必蕩
析離居黃河以南各州縣本年荒旱尤甚饑民載
道此等窮民皆係朕之赤子與逆賊李文成等並
非迫於饑寒甘心謀逆者迥不相同若地方官不
加撫綏聽其輾轉溝壑更或因饑掠食聚衆擾攘

彼時既經犯法卽不能不加以懲辦蚩蚩小民既困於饑寒復罹於罪辟民爲邦本朕體天地好生之心實爲不忍該撫務遴派實心任事之員分赴被賊各州縣確實查勘速加撫卹至黃河以南被災各該處亦加意察看情形飭屬妥爲辦理該撫前此本有分設粥廠之議但恐有轉徙道路不能赴廠就食者或派委員酌帶銀米就地安集更爲

有益誠能多盡一分心力卽多活無數生靈近日
各督撫等多有捐廉之請試思朕此時裁汰繁費
停止工作豈肯受伊等進奉若果仰體朕惠愛黎
民之心倡率屬員賑卹災黎以補國帑所不逮則
卽係伊等盡心爲國而全活者衆其積德於身家
亦不少矣此時豫省情形更較各省爲重該撫惟
當實心經理務令實惠及民爲要

是日同興奏言查東省逆匪滋事定陶曹縣金鄉而外附近各州縣沾染邪教被惑愚民一時尙不能革心革面現已欽遵

諭旨各處嚴行保甲惟曹州各屬素習剽悍恐刻下餘燼未除有肆行搶刦之事若非在於適中之地派大員帶兵彈壓則地方兵役人少勢孤難資搜捕臣通盤籌畫擬暫留兵三千名以八百

名駐劄曹州派兗州鎮總兵統領彈壓其畢家
寨駐兵四百名安陵集扈家集適中之地駐兵
四百名各派叅遊帶領壯其聲援又東昌府城
南接曹郡北達德州水陸交衝最爲扼要且所
屬半鄰直省該處本係都司駐劄兵數亦少茲
擬撥兵三百名亦派叅遊專領協防其餘如被
賊之曹縣定陶金鄉近賊之單縣鉅野城武鄆

城嘉祥魚臺又界連直隸開州之觀城濮州等
十一州縣各擬留兵一百名協同地方汛弁防
守緝捕卽於此次調來供征兵內酌量揀留統
俟明年麥熟爲期方可議撤口糧等項仍按例
支給其餘各兵均分別撤回以節糜費奏入

上命軍機大臣傳諭同興曰現在滑城攻克之後賊
藪已除旁無竄逸辦理頗爲完善惟軍務甫蒞人

心尙未能十分安定自當留兵鎮撫以備不虞東
省前調之兵計有六千名此時留兵三千名分駐
曹州東昌等處適中彈壓自應如此辦理至此項
留防之兵亦不必拘定明年麥熟時再撤該撫察
看地方情形何處先可放心卽先撤何處令其陸
續歸伍以節糜費此時善後最要急務全在撫卹
饑民東省連年荒歉貧民乏食者多兵燹之餘十

室九空饑寒交迫聚而掠食恐所不免若成羣結
隊劫奪村莊地方官又安能不拏一經拒捕又安
能不讎以兵威殊不思此等饑民與叛民迥異叛
民如林清李文成等衣食充足膽敢潛蓄異志謀
爲不軌卽概予誅夷無可矜憫至於饑民顛連溝
壑因救死覓食若不加收卹使之激而生變哀哀
赤子困於歲復困於兵民爲邦本朕體天地好生

之心思之實爲不忍同興此時不可專顧軍需遂
忘盡心民瘼著揀派誠實妥幹大員督率地方官
分路詳查實心經理伊等本有分設粥廠之儀但
小民流離轉徙道路遙遠或酌帶銀米沿途散給
俾資安集更爲有益伊等多盡一分心力卽多活
無數生靈近日督撫等多有捐廉之請試思朕此
時停止工作裁汰繁費豈肯受伊等進奉伊等若

仰體朕愛育黎民之心倡率屬員賑卹災黎以補國帑所不逮卽係伊等盡心爲國而全活者衆其積德於身家亦不少矣

臣等謹按詩曰綏萬邦屢豐年言王者不得已而用兵殄戾旣消祥和自致而要在體天地好生之心以爲心故有以暢生機而符順象也逆匪猖狂悖亂自外

生成

王師肅清殆無遺孽而稂莠旣除之後值瘡痍未
復之時賊氛已靖于潢池民困未甦于中澤
彼饑寒之孔迫旣溝壑之堪傷倘叔擾之時
形罹鋒鏑而奚忍我

皇上仁慈惻怛惠愛斯民軍務旣蒞之後

詔諭諄諄亟以撫恤難民爲首務

勅三省大吏各率所屬認真經理居者加之賑濟行
者給以銀糧務令安全期無蕩析由是室家
共臻保聚老弱咸慶更生閭里乂安耕鑿休
息所以

天人翕應和氣感孚風雨協陰陽時年穀順城民物豐
阜從此億萬生靈胥登

仁壽之宇悉惟

大聖人好生之心有以保民無疆也

同日董誥等奏言查前此山海關奏獲李得水

一犯屢訊供詞支離油滑經臣等嚴加駁詰緣

該犯前在長垣縣隨同搶掠屬實因欲逃避關

東行至冷口被獲其前供趙得隴趙得鳳徐茂

恭等係一時混編現在拏獲之人姓名偶同該

犯實未謀面又所供邢芬馬依潮等該犯因素

聞滑縣有此二人到案混指亦未見過其餘一切人名地名以及各處送信糾人訂期滋事情節皆故意捏造希冀永無質證可免定罪歷經奉

旨根查並行文提質悉係虛誣毫無疑義該犯患病監斃應無庸議至此外節據山海關拏獲解部各犯臣等陸續審訊除邢幅安一犯訊係私越

邊牆別無謀逆情事應同所供無辜之趙幅趙隴等分別定擬釋放又謝文良殷希曾委係出口傭工並未糾人滋事應行釋放容另行次第奏結外其葛洪才馬泳幅僧人施廣及柴玉林何喜安司敬武等各犯到案後均極口呼冤稱係山海關承審官員刑逼誘供并許給銀兩衣服等件是以妄扳妄認並無不法情事臣等又復

核額勒金布咨到原供本多疑實相應請

旨派員前往山海關查明叅辦謹將現訊供詞同山海關原供黏籤呈

覽奏入得

旨著派文孚康紹鏞馳驛前往山海關查辦

十二月十九日壬托津奏言伏查

臣軍營節次

搜捕零匪前後共二千七八百名所有出力將

并均隨時存記又文職內有承辦軍務事件及
審訊賊供頗爲奮勉之員臣擇其尤爲出力者
開列清單恭呈

御覽再查直隸辦理軍需除各州縣守城出力官員
應由該督查辦外其隨營糧臺各委員支應軍
需並無貽誤謹一併酌量等第分繕清單進

呈伏候

施恩鼓勵奏入

上諭內閣曰托津奏查明審辦獲犯搜捕零匪尤爲出力文武員弁據實保奏一摺此次剿捕開州邊界賊匪該員弁等或究出教首或擒獲賊目其中奮勉出力者亦應量予恩施所有單開之郎中斌良錢學彬均著賞戴花翎主事琦昂吳興臣均著以員外郎遇有本部題選缺出卽行補用先換頂

戴署大名道屠之申著賞加按察使銜直隸州知
州張孔源著賞戴花翎理問廖芳著以應陞之缺
儘先陞用巡檢王仲淇著以縣丞儘先陞用革職
知縣吳寶裕降調知縣石梁均著開復原官候補
副將馬文斌著交部議敘候補遊擊班荆布著賞
加叅將銜叅將蕭文治都司張儉均著賞戴花翎
都司游文高著賞換花翎守備陳祥福驍騎校阿

納布千總邢雲漢把總單世佑外委柯彪雲騎尉
劉瑛均著賞戴藍翎都司蘇國棟守備馬成龍千
總葉自發均著以應陞之缺陞用雲騎尉柴官太
魏之珠鄭永慶均著以守備儘先補用降補守備
陳明著准其開復原官其革職遊擊劉英魁前因
隨營奮勉賞給守備職銜今遽請以都司陞用未
免過優劉英魁著准以守備卽用

上又諭內閣曰托津保奏隨營糧臺承辦軍需出力
各員一摺該員等承辦軍需勤奮出力加恩著照
所請主簿借補開州吏目萬啟遜大城縣典史孟
釗准其以應陞之缺陞用試用從九品鄺培塿准
其儘先補用候選未入流錢振惠楊基准其留於
河南以本班補用候選未入流馬尊德准其留於
直隸以本班補用從九品銜韓景琦准其捐足不

論雙單月留於直隸以本班補用該四員均免其
補捐分發原任直隸知縣王殿傑分發浙江試用
府經歷吳汝芝均准其留於直隸以本班補用原
任承德府經歷李逢春原任大興縣巡檢呂椿均
准其開復原官其因失察匪徒降二級調用之原
任薊州知州胡士連准其開復一級長蘆豐財場
大使卽陞知縣郎汝琮河間縣縣丞何銓綬候補

從九品婁啟候選未入流翟金鐸均著交部議敘
上又諭內閣曰御史趙未彤奏請嚴飭辦理軍需各
省毋許浮銷一摺此次直隸豫東辦理軍需自九
月內軍興之日起至陸續凱撤之日止爲時無幾
其奏咨原案及文移底冊均不難據實查核著該
督撫卽督率局員將支應各欸分別確核趕緊造
冊具題如有不肖之員從中侵冒及藉端攤派科

欽者卽據實効叅嚴行懲辦

十二月二十日

丑

那彥成楊遇春奏言查搜捕

餘匪一節

臣

等現派文武員弁曉諭莊民將匪

徒自行縛首或派一二將備帶兵擒捕至健銳

火器營官兵同西安滿兵西安鎮標及固原河

州直隸各處官兵

臣

等均已飭令原帶將領分

別凱撤此時滑縣軍營僅留蘭州督標及吉林

黑龍江得力勁兵數千名彈壓搜捕俟滑城附近餘匪搜捕淨盡卽移營至大名一帶照前搜查再赴鄆城東昌及德州景州故城等處宣播德威以期伏莽全消間閭寧謐再遵查侯趙川有無盤踞賊匪一節臣等查侯趙川係侯兆川其地在輝縣之西由十八盤山進口考之志書係趙藺相如食邑舊地土人以其有封侯之兆因名

侯兆川其後宋岳飛曾經駐兵於此土人稱侯
兆川爲東川淇縣之臨淇鎮爲西川司寨距侯
兆川僅十里許卽係楊芳等帶兵截剿李文成
之所彼時賊衆四千餘人經官兵剿洗無餘臣
等現飭輝縣查檢賊屍據稟共計檢出屍身三
千三百八十七軀其餘燒斃及生擒並搜獲者
在外是該處竄入匪徒實已不留餘孽惟其地

在太行山之麓外險中平內有平原沃壤四五
十里山口險要臣等仍移咨方受疇嚴飭地方
文武實力稽查以杜後患再奉

旨飭拏董綱太在京供出之安懷普郭名如二犯查
該二犯已於克城之日經官兵殲斃又馮克善
在京供出之伊弟馮克文一犯亦已查明殲斃
謹將已未殲獲賊目開繕清單恭呈

御覽至百齡具奏徐安幙所保趙姓幼孩臣等督飭
委員按照滑縣西關住址嚴密緝拏並無蹤跡
復於獲犯內逐加根究均供不知其人亦未聞
前有趙姓被鄉民搶去徐安幙奪回保護之事
趙姓如果年僅十一係屬童穉勢難遠颺現在
徐安幙先已解京應請

勅交刑部嚴究下落以便查照緝拏此外尙有節次

飭拏各犯除邢二瞎子卽邢紀元一名現已拏獲據
供與王倫並不認識已解交方受疇另行審辦
外其餘均分別飭緝

那彥成又奏言

臣

查匪徒習教多有由婦女傳

及夫男者實堪痛恨計軍營節次所戮婦女不

止宋張氏一口

臣

未便逐一奏

聞茲查首逆李文成被戮後卽係其妻張氏與牛亮

臣徐安幘朱元成等主事據城固守各賊無不聽信該犯婦於官兵破城時徐安幘等商令隨同被難婦女混跡出城張氏聲言寧可同死不願逃走是夜該犯婦騎馬出城有賊人數千擁護撲卡數次俱經官兵擊退該犯婦始行自縊斃命官兵割取首級呈驗其一女亦經殺斃所有殲獲各巨逆除朱元成犯屬已經傷斃外

臣

現將牛亮臣徐安輗二犯家屬一併辦訖又李文成牛亮臣等之祖父墳墓均先已飭令地方官查明掘毀戮屍至林清係首事之犯其妻女眷屬亦應請

旨飭部嚴辦以期掃盡根株

那彥成楊遇春又奏言本月十六日接據漢中鎮吳廷剛稟稱該匪徒等裹脅日多器械不少

其別處木廂傭作多有入夥等語臣等伏思賊匪所裹脅者固係傭工饑民其中必有舊充鄉勇及革除名糧新兵在內查河北鎮楊芳熟悉南山情形該處舊日兵勇素所信服若令前往剿辦可期得力臣與楊遇春相商恐緩不及待現已飭令楊芳於十七日輕裝馳赴陝西交長齡派遣所有河北鎮總兵篆務請留閭俊烈暫

行署理奏入

上命軍機大臣傳諭那彥成楊遇春日那彥成等奏
接據陝省稟報南山滋事匪徒裹脅日多器械不
少已商令楊芳相機剿辦等語楊芳熟悉南山情
形彼處兵勇皆其素悉此時派令前往必能得力
現卽降旨將該鎮補授西安鎮總兵與閆俊烈對
調呼應自更較靈也又據奏查明已未殲獲賊目

單內其未獲之宋玉林一犯昨已據同興奏報在
於東省拏解又陳美玉一犯據東省訊明獲犯業
已身故著將此二犯開除餘俱上緊查拏爲要

上又命軍機大臣傳諭直隸山西陝西甘肅各督撫
曰首逆林清繼妻林趙氏妾林陳氏前經刑部奏
擬改發新疆給額魯特爲奴遇赦不赦現俱起解
在途其林清胞姊董林氏一犯前已發給駐防官

兵爲奴嗣因審出該犯主使趕奪林清情節由部
行文截回另擬重辟林清爲倡亂之首邪心固結
不解留其一二婦女亦恐遺孽復萌所關匪細著
傳諭直隸山西陝西甘肅各督撫查明林清繼妻
林趙氏妾林陳氏現在行抵何處卽於何處殺決
以絕根株在何省辦理着該督撫遇便覆奏其董
林氏卽趕緊截拏解京審明正法

上諭內閣曰楊芳著調補陝西西安鎮總兵其河南河北鎮總兵員缺卽著閆俊烈補授

同日朱勲會同署固原提督延榆綏鎮總兵常

祿西安右翼副都統額勒金太奏言竊臣等據

各路探報三才峽匪徒由佛爺灘竄至太平河

將木廂兩號盡行燒燬並將衆廂裹脅竄至伍

家堡經該堡丁壯施放鳥鎗打死賊匪三十餘

人因火藥不繼被賊將該堡攻破殺傷民人二十餘人鎮臣吳廷剛派撥華陽千總周炳南外委吳增文江泰帶兵趕到殺賊八名生擒四名並將執紅旗賊目李老九戮斃該匪等向厚畛子板房子一帶東竄又接吳廷剛十二日來信古子溝有新起賊匪一百餘人執大紅旗向藥舖一帶奔竄經厚畛子千總海蒲帶領汛兵并

該處義勇攔截殺賊十五名生擒二十四名將
首犯江洪生擒訊明實係三才峽首犯楊二勾
結滋事其年登元郭添元高元隴冉正學四名
均係聽糾從賊之犯當經正法梟示餘係被裹
難民給予口糧路票釋回原籍其大股匪徒約
有三千人矛子八九百桿鳥鎗五六十桿餘俱
徒手業已東竄現在裹帶兵糧卽日跟蹤前進

等語又據寧陝叅將張起鰲稟報初八日趕至
松花坪探得小王澗一起匪徒連日裹脅已有
五百餘人在老水磨地方屯踞初九日帶領官
兵並寧陝巡檢劉詢所團鄉勇分投前進殺斃
頭目楊四並匪衆一百三十餘人生擒十七名
又外委張世杰帶領矛手迎頭截殺八十餘名
餘匪竄入獅家溝老林割獲耳記並紅藍旗二

梟呈驗前來

臣

當加獎賞飭將生擒各犯解交

寧陝廳就近訊辦受傷兵丁六名亦飭加倍給

賞其剿敗餘匪百餘人於初十日由老林竄至

柳葉河距黑水峪口四十里經

臣

額勒金太帶

兵堵截該匪卽行折回南竄探報已與大股合

夥張起鰲卽趕往吳廷剛軍營剿辦大股又據

鄆縣稟報該縣太平峪口內與寧陝廳連界之

紫閣峪有匪徒二百餘人搶掠糧食現竄西土
溝一帶臣朱勲前經派令護總兵達凌阿帶領
撫鎮標兵四百名將軍臣額克登布派令協領
成瑞帶領防兵三百名均由澇峪八里坪一帶
堵剿該處距太平峪不遠臣等已飛飭就近探
剿至該匪是否係土棍乘機竊發抑係三才峽
匪徒勾結俟拏獲時再行審明具

奏臣常祿行抵鳳翔因聞賊匪裹脅日衆吳廷剛
一路兵力稍單已知會長齡添調官兵來陝剿
辦茲於十四日行抵盤屋知大股匪徒現在板
房子一帶吳廷剛跟蹤剿辦卽日帶固原馬步
官兵三百五十名趕赴八里坪督率達凌阿剿
辦太平峪匪徒俟太平峪匪徒剿辦完竣後再
探明賊蹤進剿其協領成瑞所帶滿兵三百名

臣額勒金太已與臣穆克登布商令卽隨同臣

常祿一路進剿臣額勒金太仍在峪口一帶嚴

密防堵再接陝安鎮臣祝廷彪來咨於接到知

會後已挑帶官兵五百餘名於初十日起程由

石泉一帶探蹤截剿再臣朱勲接准長齡來信

現已挑備河州鎮官兵五百名俟臣知會卽行

來陝臣已將現在情形知會長齡長齡自卽來

陝督辦

朱勲又奏言竊照南山地方民食向以包穀爲重每年十月以後始行收穫最畏秋雨本年八九月內陰雨浹旬顆粒未能飽滿前經臣奏奉硃批查明具奏臣查南山內多係外來貧民開墾荒地包穀歲止一收一經歉收易形拮据合無仰懇

懇

皇上格外

天恩俯准將孝義寧陝藍田盩厔鄠縣郿縣岐山寶
雞定遠鳳縣畧陽沔縣商州鎮安山陽商南雒
南等一十七廳州縣除有地之戶酌借口糧外
其傭工佃地無力貧民於來春賞給兩月口糧
其情形較重之安康平利紫陽白河漢陰洵陽
石泉七廳縣賞給三月口糧均已折色散放其

南鄭城固洋縣西鄉寧羌留壩褒城七廳州縣
分別借給倉糧貯糧較少之處卽以折色出借
俾資接濟

臣

當督同藩司遴委妥員實心經理

再據興安府稟報該府所屬各廳縣糧價昂貴
小民買食維艱

臣

已飭令該府開倉平糶並飭

漢中府於附近水次各屬酌撥倉糧運往平糶
以平市價又鄜州及所屬洛川中部宜君四州

縣秋收均止五六分該處地瘠民貧閭閻素少
蓋藏查各該處均有支剩兵糧爲數頗多應請
一律平糶並於來春青黃不接之時出借倉糧
以裕民食

朱勲又奏言竊

臣前奉

諭旨查拏高張氏案內傳教匪徒陳恒義等犯並據
同興知會現在陳美玉已故係陳文清主教等

情臣當卽飛飭漢中府一體查拏去後茲據該府嚴如煜稟稱率同城固縣知縣程雲於初十日將陳恒義陳金聲二名拏獲查訊陳美玉已故將其子陳文清一併拏獲起出經呪圖章堂名均與來文相符訊據陳恒義供認與都中順城門外居住之高張氏係屬表親現在嚴究從犯另行稟報等情臣查陳恒義陳金聲均係奉

旨飭拏之犯其陳文清一犯係屬教首該犯等膽敢潛赴

輦轂之下傳徒習教則本省各屬更難免無習教

之人

臣

現飭該守令等切實研究按名弋獲並

令不可過事張皇

臣

俟解省親訊卽遵

旨嚴行鎖鑰解京審辦

同日高杞奏言竊

臣

遵奉

諭旨酌帶山西大同鎮兵一千名於十三日由軍營
起程前赴山西是日辰刻唐鬍子卽在滑縣被
獲准那彥成知會奉到

諭旨以山西地方無事令臣毋庸前進臣仍折回衛
輝府城是日亥刻又准那彥成來咨欽奉

諭旨以陝西岐山匪徒滋事之案令臣幫同長齡剿
辦等因除咨會那彥成派撥西安滿兵並陝甘

官兵迅速前來一面飭令大同鎮官兵仍回晉
省歸伍外臣卽於十六日自衛郡先行起程馳
赴陝省幫同長齡帶兵剿辦均奏入

上命軍機大臣傳諭那彥成楊遇春曰本日朱勲等
奏剿殺南山匪徒並會商剿辦緣由一摺據稱三
才峽等處匪徒由佛爺灘竄至太平河將木廂兩
號盡行焚燒沿途裹脅攻破伍家堡殺傷民人二

十餘人經吳廷剛派兵剿殺現往厚畛子一帶奔
竄旋接吳廷剛來信稱古子溝有新起賊匪一百
餘人向藥舖一帶奔竄經官兵殲獲三十餘名並
將首犯拏獲而大股匪徒約有三千餘人矛子八
九百桿烏鎗五六十桿業已東竄吳廷剛裹帶兵
糧跟蹤追剿又寧陝叅將張起鰲稟報小王澗一
起匪徒裹脅已有五百餘人經官兵剿殺後餘匪

百餘人現由峪口折竄該叅將趕往吳廷剛軍營
會剿又鄂縣紫閣峪地方有匪徒二百餘人搶掠
糧食竄西土溝一帶護總兵達凌阿及協領成瑞
已帶滿漢兵七百名由澇峪一帶堵截等語三才
峽小王澗兩處匪徒前據朱勲奏報合計不過一
千餘人今數日之間已裹脅至三千餘人且鳥鎗
器械甚多沿途放火傷人勢漸鴟張此外各處並

有新起之賊分投竄擾雖經官兵剿殺截回均未
淨盡若不迅速撲滅恐裏脅愈多辦理又致費手
除已飛催長齡帶甘肅兵一千名前往督辦並令
朱勲先行相機剿捕外楊遇春熟悉該處情形聲
威素著又係所管地方此旨到後著該提督卽日
挑帶吉林黑龍江兩處馬隊或每處二百名共四
百名或每處三百名共六百名令色爾滾達斯呼

兩岱二人管帶隨同迅速前赴南山迎頭協剿此
外若蘭州固原等處勁兵如尚可酌分令那彥成
酌量分撥帶往如滑縣軍營存兵業已無多卽不
必分派楊遇春到陝後如長齡業已先到卽與長
齡商同會剿列銜如長齡仍尙未到著先與朱勲
會商剿辦其應如何分別剿捕解散並兩面堵截
之處一切相機辦理至陝省既有此事恐他處不

靖之徒聞而生心滑縣甫經克復人心未定更當
加意鎮撫楊遇春已離豫省那彥成尤當慎重彈
壓著在滑縣劄營多住時日察看地方實可放心
再遵照前旨移營大名一帶以次順赴山東聊城
東昌德州故城等處查看情形回京復命

上又命軍機大臣傳諭長齡曰前據朱勲奏報陝省
岐山縣三才峽小王澗有匪徒持械搶掠聚衆至

一千二百餘人該撫前往查辦其頭目楊二等並呈訴係因年饑求食當經降旨諭令長齡馳往陝西會同朱勲辦理並有旨派令高杞富僧德等帶兵赴陝俾資剿捕今又據朱勲奏報三才峽小王澗等處賊衆現已聚至三千人長齡挑備河州鎮官兵五百名俟朱勲知會卽行來陝會剿等語陝省三才峽一帶匪徒滋擾現已聚至三千之多若

不卽時撲滅裹脅日衆該處南山徑路叢雜聽其
竄入老林搜捕必致費手長齡係該省總督接據
稟報卽應迅速馳往今僅挑備官兵五百名仍俟
朱勲知會始行啟程殊屬怠緩此事朕卽責令長
齡辦理著迅速挑帶甘肅勁兵一千名不分晝夜
兼程行走到彼督率楊芳吳廷剛等上緊剿捕刻
又降旨令楊遇春酌帶吉林黑龍江等處勁兵速

來合剿以期一鼓殄除到陝之日先將剿辦情形
由六百里奏聞將來剿捕完竣由六百里加緊馳
奏以慰廑注長齡前在河南巡撫任內失察李文
成等謀逆咎有應得朕從寬免究且簡擢總督此
次岐山饑民搶掠一事係該督本管責令會同朱
勲督辦若不感奮迅速辦理完善朕必將前後兩
案一併治伊之罪恐不能當此重譴若辦理妥速

既益前愆仍當加以恩獎長齡不可不勉之又勉也

上又命軍機大臣傳諭朱勲曰朱勲奏三才峽等處匪徒現在裹脅有三千餘人向板房子東竄沿途放火傷人其小王澗一起匪徒經官兵剿散後亦與大股合夥此外古子溝及鄆縣紫閣峪均有零竄賊匪現在分投堵剿等語山內匪徒滋事前經

降旨令長齡挑帶甘肅弁兵馳往剿辦本日據那
彥成奏已派楊芳馳赴陝省交長齡派遣頃聞朱
勲奏到情形又降旨令楊遇春管帶得勝勁兵前
赴陝省會剿但現在該處匪徒裹脅至三千餘衆
並有另股賊匪乘間竊發自朱勲具奏後又已數
日不知賊匪更增裹脅若干計長齡楊遇春等未
能卽日到陝朱勲不可在彼坐待務督同常祿吳

廷剛等相機剿捕並飭令團練壯勇於各要隘處
所嚴密堵禦將賊匪隨處剿殺務期迅就殄滅南
山徑路叢雜若聽其竄入老林搜捕又致費手其
首犯楊二等必當按名查拏按律正法至被脅從
犯查明實係饑民應予解散以孤賊勢若日內剿
捕完竣卽由六百里加緊馳奏以慰廑注再本日
據陝甘學政韓鼎晉奏稱岐山毗連州縣俱屬歉

收請令地方官董勸紳士捐貲周卹及暫行平糶等語此次朱勲奏請將歉收各州縣散放口糧及平糶倉穀已照所請加恩該處饑民甚衆著該撫督飭地方官妥爲安撫或勸紳士及殷實之家捐貲周卹加以獎勵以補國帑所不逮斷勿任其饑寒無告迫而從賊不特被賊裹脅人數漸多辦理不易且多傷民命朕心實有所不忍該撫務實心

妥辦毋稍怠忽又據朱勲奏將飭拏之陳恒義陳金聲陳文清等犯均已拏獲著卽派員將該犯等嚴行鎖鑰解京交刑部歸案審訊

上命軍機大臣傳諭高杞曰前因陝省岐山縣三才峽等處有匪徒持械掠食聚衆一千二百餘人有旨令高杞富僧德等帶領陝甘滿漢得勝勁兵赴陝交與長齡調遣以資剿捕本日據高杞奏稱已

續文獻通考卷二百一十一
三
遵前旨於本月十六日自衛啟程馳往陝省正在
降旨飭諭間又據朱勲奏報三才峽一帶匪徒已
聚至三千人朱勲現與吳廷剛在彼會剿長齡尙
未到陝等語高杞遵節次所降諭旨此時若已回
至直隸邊界卽來京見面候旨如已行近陝西邊
界卽同富僧德特依順保等督帶弁兵迅速趕赴
南山軍營先幫同朱勲相機剿辦俟長齡到陝卽

將弁兵交與長齡調遣高杞在軍營留住數日查看情形回京面奏

上諭內閣曰陝省南山各屬地方向多外來貧民開墾荒地以種植包穀爲生今因秋雨歉收小民素鮮葢藏自應亟籌調劑免致流離失所著加恩將孝義寧陝藍田蓋屋鄠縣郿縣岐山寶雞定遠鳳縣畧陽沔縣商州鎮安山陽商南雒南等十七廳

州縣有地之戶酌借口糧其傭工佃地無力貧民
於來春賞給兩月口糧其情形較重之安康平利
紫陽白河漢陰洵陽石泉七廳縣賞給三月口糧
均以折色散放南鄭城固洋縣西鄉寧羌留壩褒
城七廳州縣分別借給倉糧貯糧較少之處卽折
色出借俾資接濟再興安府所屬各廳縣糧價昂
貴並著開倉平糶如糧石不敷卽於漢中府附近

水次各屬酌量撥運又鄜州洛川中部宜君四州
縣秋收均止五六分該處均有支剩兵糧亦著一
律平糶並於來春青黃不接之時出借倉糧以平
市價而裕民食該撫務督飭所屬認真經理毋令
吏胥侵漁俾閭閻均霑實惠

是日董誥等奏續經審明各衙門獲送從逆夥
犯及入教緣坐各人犯遵照本月初十日

諭旨將從逆夥犯核其情罪尤重次重及又次重之
不同分別定擬請將前此留質之劉泳太于七
卽于幅瑞及孟太尹照孫大本楊廣弼李二卽
李世功張通泗張衍泗劉年兒崔五王富小劉
二卽劉二小十三犯均依律凌遲處死其從逆
在家未行之張二柱卽張喜成石五收受逆匪
白布之邱九三犯擬改爲斬立決自行買備白

布之安二卽安邦子史六卽史添畛王癘子張
十王六卽王進學張四卽張庭璧張九張大慌
慌卽張德甫邱八等九犯擬改爲絞立決其在
監病故之劉宗山卽劉玉山一犯請判屍一併
梟示其邪教爲從之楊九卽楊榮華趙宋氏等
五名口均發新疆給額魯特爲奴其悔過出教
未經到官自首之魯進有卽二臭兒等五犯均

發烏魯木齊給兵丁爲奴知情不首之秦狗子
等四犯均杖流其應行緣坐之田八十一兒顧
王氏等十九名口均分別發遣爲奴得

旨劉泳太子七卽于幅瑞孟太尹照孫大本楊廣弼
李二卽李世功張通泗張衍泗劉年兒崔五王富
小劉二卽劉二小俱著卽凌遲處死梟示張二柱
卽張喜成石五邱九俱著卽處斬梟示安二卽安

邦子史六卽史添畛王癘子張十王六卽王進學
張四卽張庭璧張九張大慌慌卽張德甫邱八俱
著卽處絞劉宗山在監病故著判屍梟示餘依議